

國朝耆獻類征初編

國朝耆獻類征初編

國朝賢媛類徵初編卷五目錄

節一

蔡九經聘妻章氏

凌國俊妻朱氏
易道生妻鄧氏

張氏雙節

郝節婦

沈君宣繼妻陳氏

上蔡張氏雙節

司氏兩世節婦

郜濯妻武氏

曹六姑

路世榮妻党氏

馬踰聘妻鄭氏
高廣閭聘妻顧氏

楊士聰妾經氏

傅光箕妻吳氏

春蘭
向于北妻唐氏

戚成勳妻廖氏

獐婦羅氏

左之乾妻馬氏

李殿機妻王氏

李因 高浣花

沈文溥妻許氏

楊知敏妻雷氏

燕大成妻周氏

張通柱妻趙氏

冷氏雙節

連浩妻蘇氏

沈茂增妻王氏

進斌妻陳氏

劉珍玉妻蕭氏

弓氏雙節

唐嶼截耳林節婦

鄒翥妻吳珏

女奴景

季氏兩世節婦

秦氏兩世節婦

方禮祕妻范氏

賀某妻戚氏

鄭陽豐母林氏

袁佩環妻阮氏

章文燧妻汪氏

周知涖聘妻江氏

程樹聘妻宋景衛

駱某聘妻江金姑

唐振藻聘妻周氏

管某聘妻王氏
汪某聘妻湯氏

許門三節婦

譚氏兩世節婦

李家駒聘妻朱氏

林其默妻陳氏

張某聘妻姜桂

鄭澤達聘妻陳如

張子揚妻周氏

洪某妻周氏

陳德浹妻何氏
竇遠妻周氏

太康張氏雙節

茹世道妻鄒氏

鄒樹勳妻卜氏

汪曾裕妻金氏

國朝賢媛類徵初編卷五

通奉大夫前署江西巡撫江西布政使司布政使湘陰李桓輯

節一

蔡九經聘妻章氏

凌國俊妻朱氏

易道生妻鄧氏

貞烈女章氏錢塘馨如里人先世自會稽徙錢塘有東樓公者育於許再傳至雙橋公生貞烈皆蒙許姓至貞烈之姪諸生國琦請歸於宗故貞烈宜稱章氏也貞烈生而端敏父母絕愛憐之六歲同里蔡松爲其子九經相攸貞烈年十七九經以不得志於有司病且死貞烈聞訃引剪刀自刺亟救得生生則給於母請弔於蔡母則與偕往及至蔡哀慟行婦禮遂辭母登姑氏樓勸之婦則截

髮以誓已而闔門苦坐寒暑不變所臥榻不張帷立兩扉晨昏持
鑰自啟閉其嚴整如此貞烈既終九經之制事翁姑尤謹念蔡氏
之寡弱勸姑爲翁納遣生九思又至殤甚哉蔡之不天也其姑疾
篤貞烈刲股以進未幾及其翁遂相繼亡貞烈哀毀不欲生執二
喪皆冠纓倚杖隱拜帷內如人子不忍以無嗣嗣舅姑之心斯所
爲禮以義起蓋其孝也自貞烈之至蔡也所與左右者惟女婢一
人僮僕無敢望見顏色諸親屬有欲見者必薦門以語春秋出祭
蔡氏塋必命弟姪與俱家甚貧倚女紅自辦晚乃賴諸姪稍稍致
饗殮以歲之大殯里中賢者奉粟米致堂下必再拜強而後可請
有司貴人命隸人齎錢帛到門貞烈往往不欲受其天性高潔又

如此於乎貞烈春秋八十有七其以女氏往蔡已七十有一載自
彤管以來豈多見哉昔有女子叔先曹娥實救父以顯奇節而梁
高行魯陶嬰齊其姜漢班惠皆以未亡人喪所天未有藐焉一女
子執節沒世如貞烈者也貞烈生隆慶庚午六月九日卒今丙申
三月十二日又明年戊戌國人謀爲建坊而其姪章琦先生將穿
蔡子之窆合葬焉頓首於不佞曰微子無以銘諸幽余爲先節婦
楊之末孫每聞節槩之事未嘗不漣漣淚下也況於貞烈哉先節
婦葬於南山之慶樂園與貞烈之墓中台山陽相望遂爲之銘曰
天醜下土實生女師靡人不夷女獨於罹女而不婦無夫有家喪
子有子拜翁及姑孰鳩蔡宗而鞠其凶俾以長世亦罔念窮執節

末世古處以風於乎貞烈其累千祀湖水清泚南山巖岵於以求之同穴雙止我銘斯石於墓之傍女則未亡蔡亦永康凡百君子此焉徬徨

右墓誌銘孫治撰

凌國俊妻朱氏 易道生妻鄧氏

朱氏湘鄉凌國俊妻明季國俊事長沙推官蔡道憲獻賊破長沙道憲死之國俊殉其難朱年甚少撫孤子文志成立鄧氏諸生易道生妻少寡葬夫曰止寇突至鄧持刀誓死賊義之戒弗犯康熙時施子貞言亦以孝義旌孫入庠者三十六人卒年九十六

右傳李元度撰

按易母陳公鵬年有潭市旌節詩吳江張公大受有傳俟訪補

張氏雙節

秀水諸生張三錫妻許氏儒家女也三錫執經於其父其父賢之以女妻三錫許氏孝而賢嘗割股療姑疾居數歲無子媵高氏有二子雋發雋升乙酉三錫攜室避兵相家蕩所在盜竊起盜窺三錫所挾貲三錫弗悟也時時語侵盜盜劫其貲縛三錫沈諸河許氏將殉之高氏止之曰二子在未可以死也許氏挾二子與俱竄而免盜聞之圖并殺二子許氏急藏三錫骨攜二子遁入蘆區依仲子以居遂得全張之貲既罄二氏紡織窮日夕僅足餬其口亂既定廉得盜攜二孤哭懇備兵使者倭公國器檄司理韓公充美收盜竟抵法其智勇爲何如許氏復爲二子拮据皆授室凡十四

年而許氏歿高氏教二子有成雋發有名諸生閒雋升經營治生以養母益擴其先業又十餘年高氏年已五十餘人咸稱二氏之苦節一死一生皆不愧亡者於地下貽因二子之乞言樂得而紀之嗟乎易代之際天家之嬪御王侯之姬姜流落人間衣冠子女纍纍隱忍以就俘略不少也張氏在寒峻之門二氏咸保其全節不又世之所希覲者乎表之曰雙節宜哉

右傳彭孫貽撰

郝節婦

太夫人六人也其夫以試諸生爲仇擠入郡河橋下溺死夫人感夢悲號理其冤仇抵罪於是矢志冰檠值阨危遭兵火撫幼子以侍老親教育交全養葬盡禮其子旣入黌序有令名畢婚生孫數月復遭寇亂患難流離孀婦以疾卒於逆旅子汎舟湖口風發同舟皆沒又溺死則撫其孫壯亦補弟子員授室生曾孫三人聲名藉甚三世皆夫人手授詩書贊曰

復仇曰義守貞曰節濟難者才昌後者德惟夫人其全之乃女子而表丈夫之奇烈仰母慈兮家有嚴君修婦道兮孝思維則以一人而兼養教育之勞以一身而萃子父祖之責嗟先後其淪胥歷

盤錯而堅貞彌赫眉壽天錫風茲邦國保五世以滋昌知芳稱之
未歇不與金而俱鑠不與石而俱泐億萬斯年昭昭如月

右傳吳訥撰

淑人

沈君宣繼妻陳氏

節婦姓陳氏嘉定西里陳某之女年二十一爲沈君宣繼室四年生女二又二年生子一子三歲君宣攬疾不起惓惓以鞠子屬婦婦諾未幾君宣卒瓶盎無升斗儲節婦賣楮鏹以自給誓不改適某某者脅之去節婦志益堅死亦甘耳不爲失身婦也某曰何不遂死節婦曰孤子幼我責也我任之矣得成立不墜沈氏宗我方可見夫於地下於是率二女勤織紵久之購田三畝俟子壯學耕謂本業可資生其叔某又尼之有田不得耕節婦竊自語曰我不讓田脅我將益甚竟棄其田一絲一粒皆自機緯出之子旣長務誠慤不負其母節婦明理義言動有矩則親屬餘財無覲覲餽遺

酬答事稍非理毅然止弗爲吳之俗好巫覡節婦秉正志諸不典
祀弗奉也當沴氣流行牽纏病患爲害連里巷節婦恆不染或姑
姊姒姪家苦疵癘臥於牀莫有視湯藥者節婦調視累日夕無纖
毫病從者塗黃喫胡蔥心神猶恍惚節婦不少怖也嗚乎晉庾袞
性不畏病咸甯中大疫兄毗方殆父母諸弟皆出次於外袞獨留
扶持十有餘旬疫勢旣歇毗得差而袞亦無恙史以爲異此在男
子猶難之而況婦人女子哉

右傳陸時隆撰

上蔡張氏雙節

上蔡生員張文燧妻李氏燧死於賊子埰同死焉氏痛父子歿於
非命罄家貲爲葬後世益亂氏食貧僕婢盡散去井臼樵採悉自
爲之所居殘屋斷邨人迹罕至雞鳴狗吠之聲不聞夏雨冬雪寒
暑亙烈氏出影隨氏入影孤一日遠姪張蒿過省氏憐之曰孀何
堪此時年六十有二怨嘆不形但曰吾三十年來都只如此

康氏張文燧之妻夫死年尙幼以義自誓翁敏學愍之命曰守節
事極難吾嘗見有守之不終者不如改適氏退而指其腹以哭於
姑及期果男也依於翁以養翁卒依於伯伯又卒歸依於父父貧
不能給氏負攜兒女復還舊址結草廬半開棲焉時盜賊蜂起歲